

Na osnovu člana 14. tač. c) i h) Zakona o nadzoru nad tržištem u Bosni i Hercegovini („Službeni glasnik BiH“, broj 45/04), člana 3. i člana 5. stav 3. Zakona o općoj sigurnosti proizvoda („Službeni glasnik BiH“, broj 45/04) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine, na 67. sjednici održanoj 26.11.2008. godine, na prijedlog Agencije za nadzor nad tržištem Bosne i Hercegovine, donijelo je

Odluku

o sadržaju upozorenja kojim moraju biti obilježene igračke sa magnetnim dijelovima

Član 1.

(Predmet)

Ovom Odlukom se propisuje sadržaj upozorenja o zdravstvenim i sigurnosnim rizicima kojim mora biti obilježena igračka sa magnetnim dijelovima (u daljnjem tekstu: magnetna igračka) stavljena na tržište ili učinjena dostupnim na tržištu Bosne i Hercegovine, te mjere koje poduzimaju inspekcijski organi Federacije Bosne i Hercegovine, Republike Srpske i Brčko Distrikta Bosne i Hercegovine (u daljnjem tekstu: nadležni organi) u svrhu primjene ove Odluke.

Član 2.

(Definicije)

Za svrhe ove Odluke, primjenjivat će se sljedeće definicije:

- a) „magnetna igračka“ je igračka koja sadrži ili se sastoji od jednog ili više magneta ili od jednog ili više magnetnih dijelova koji se zbog oblika i veličine mogu progutati i dostupni su djeci,
- b) „zbog oblika i veličine se može progutati“ znači da se u cijelosti prilagođava cilindru za male dijelove, kako je definisano u standardu BAS EN 71-1:2008,
- c) „dostupno djetetu“ znači lagano pričvršćeno ili je moguće da se, pod normalnim ili razumno predvidljivim uslovima upotrebe, odvoji od igračke, čak iako je prvobitno u igrački sadržano, umetnuto, ugrađeno ili omotano,
- d) „dostupno tržištu“ je svaka nabavka magnetne igračke s namjerom distribucije, potrošnje ili upotrebe na tržištu Bosne i Hercegovine u okviru poslovne djelatnosti, bilo za novac ili besplatno,
- e) „stavljanje na tržište“ je po prvi put činjenje magnetnih igračaka dostupnim na tržištu Bosne i Hercegovine.

Član 3.

(Upozorenje)

- (1) Magnetne igračke koje su stavljene na tržište ili učinjene dostupnim na tržištu Bosne i Hercegovine moraju biti obilježene upozorenjem sa sljedećim

riječima:

- a) „Upozorenje! Ova igračka sadrži magnete ili magnetne dijelove. Magneti, koji se međusobno spoje ili se spoje sa metalnim predmetom u ljudskom tijelu mogu izazvati ozbiljne ili smrtne povrede. Ukoliko je dijete progutalo ili inhaliralo magnete, odmah potražite medicinsku pomoć“, ili
 - b) sa jednako lako razumljivim riječima koje jasno prenose isto značenje.
- (2) Upozorenje mora biti na jednom od službenih jezika Bosne i Hercegovine, te jasno vidljivo i čitljivo, vidno uočljivo na pakovanju, ili drugačije učvršćeno na magnetnu igračku, na način da ga potrošač pri kupovini može vidjeti.

Član 4.
(Prijelazni period)

U roku od 3 mjeseca od dana stupanja na snagu ove Odluke, proizvođači i distributeri su obavezni da magnetne igračke obilježe upozorenjem iz člana 3. ove Odluke.

Član 5.
(Primjena)

- (1) Po isteku prijelaznog perioda iz člana 4. ove Odluke, nadležni organi će zabraniti stavljanje na tržište ili činjenje dostupnim na tržištu magnetnih igračaka koje nemaju upozorenje iz člana 3. ove Odluke.
- (2) Po isteku prijelaznog perioda iz člana 4. ove Odluke, nadležni organi će osigurati da se sa tržišta povuku magnetne igračke, koje su stavljene na tržište ili učinjene dostupnim na tržištu bez upozorenja iz člana 3. ove Odluke, te da su potrošači o ovom riziku informisani na primjeren način.

Član 6.
(Stupanje na snagu)

Ova Odluka stupa na snagu osmog dana od dana objavljivanja u „Službenom glasniku BiH“.

VM, broj: 210/08.
26. novembar 2008. godine
S a r a j e v o

Predsjedavajući
Vijeća ministara BiH
dr. Nikola Špirić